

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ČELIĆ**

-OPĆINSKI NAČELNIK-

Broj: 02-11- 724 /26
Čelić, 02.07 2026 godine

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine F BiH“, broj: 35/05), člana 15. Zakona o principima lokalne samouprave u Federaciji Bosne i Hercegovine („Službene novine F BiH“, broj:49/06), člana 39. Statuta općine Čelić („Službeni Glasnik općine Čelić“, broj: 3/17), općinski Načelnik donosi:

P R A V I L N I K

**o uslovima i postupku ostvarivanja prava na sufinansiranje dijela troškova registracije
djelatnosti na području općine Čelić**

Član 1.

Pravilnikom o uslovima i postupku ostvarivanja prava za sufinansiranje dijela troškova registracije djelatnosti na području općine Čelić (u daljem tekstu Pravilnik) utvrđuju se uslovi postupak ostvarivanja prava za sufinansiranje dijela troškova registracije djelatnosti fizičkih i pravnih lica (aplikant) na području općine Čelić, period realizacije sufinansiranja, raspoloživa sredstva sufinansiranja, kao i izvor sredstava sufinansiranja po ovom Pravilniku.

Član 2.

Sredstva za subvenciju sufinansiranja dijela troškova registracije djelatnosti na području općine Čelić u tekućoj godini predviđena su u Budžetu općine Čelić, pozicija „Subvencija za potporu i promociju obrta“, ekonomski kod 614521.

Član 3.

Realizacija sredstava za sufinansiranje dijela troškova registracije djelatnosti na području općine Čelić vršit će se za period 01.01. do 31.12. tekuće budžetske godine, ili do raspoloživosti sredstava predviđenim za raspodjelu za ovu namjenu u toj budžetskoj godini.

Član 4.

Pravo na novčana sredstva po ovom Pravilniku imaju fizička i pravna lica koja u periodu od 01.12. do 31.12. tekuće godine prvi put registruju, obrtničku djelatnost, djelatnost srodnu obrtničkoj i domaću radinost u osnovnom i dodatnom zanimanju, ugostiteljsku ili trgovačku djelatnost u Službi za računovodstvene, poslove trezora, privredu i razvoj općine Čelić, osim djelatnosti koje su vezane za klađenje, igre na sreću i sl.

Pravo na novčana sredstva po ovom Pravilniku imaju pravna lica koja u periodu od 01.12. godine do 31.12. tekuće godine registruju prvi put preduzeće: d.o.o. , d.d. i sl. na području općine Čelić, osim djelatnosti koje su vezane za klađenje, igre na sreću, mikrokreditne organizacije i banke.

Član 5.

Za sufinansiranje dijela troškova registracije obrtnički , trgovački i ugostiteljskih djelatnosti u periodu navedenom u članu 3. Pravilnika predviđen je iznos do 400 KM po jednom aplikantu. Za sufinansiranje registracije privrednog društva (preduzeća) u periodu navedenom u članu 4. Pravilnika predviđen je iznos do 600 KM po jednom aplikantu.

Za aplikante mlađe do 35 godina i za aplikante žene navedeni iznosi se uvećavaju za 20 % od odobrenih priloženih troškova.

Član 6.

Pravo na sredstva po ovom Pravilniku ostvaruje se putem Javnog poziva kojeg raspisuje općinski Načelnik ili putem pismenog zahtjeva za ostvarivanje prava za sufinansiranje dijela troškova registracije djelatnosti na području općine Čelić.

Član 7.

Za ostvarivanje prava po ovom Pravilniku podnosilac zahtjeva (aplikant) – fizički lice dužan je dostaviti sljedeću dokumentaciju (original ili ovjerene fotokopije):

- Pravosnažno Rješenje o registraciji obrtničke, trgovačke ili ugostiteljske djelatnosti, izdato u periodu 01.12. do 31.12. tekuće godine od Službe za računovodstvene, poslove trezora, privredu i razvoj općine Čelić,
- Obavješetenje o razvrstavanju djelatnosti prema klasifikaciji djelatnosti izdato od strane Federalnog zavoda za statistiku-Kantonalni ured Tuzla,
- Ugovor ili potvrdu o računu otvorenog kod poslovne banke,
- Uvjerenje o poreznoj registraciji (ID bro).
- Uvjerenje da nije korisnik sredstava po Programu sufinansiranja samozapošljavanja od strane Federalnog zavoda za zapošljavanje Sarajevo i JU Služba za zapošljavanje Tuzlanskog kantona i
- Uvjerenje Ministarstva za boračka pitanja Tuzlanskog kantona da nije ostvario finansijska sredstva u svrhu samozapošljavanja branilaca i članova njihovih porodica, RVI, šehidskih porodica, umrlih i nestalih branilaca.

Član 8.

Za ostvarivanje prava po ovom Pravilniku podnosilac zahtjeva (aplikant) – pravno lice dužan je dostaviti sljedeću dokumentaciju (original ili ovjerene kopije):

- *Aktuelni izvod iz sudskog registra o registraciji firme odnosno društva sa ograničenom odgovornošću t.j. d.o.o. , d.d. ili sl. Izdat u periodu od 01.12. do 31.12. tekuće godine,*

- Obavješetenje o razvrstavanju djelatnosti prema klasifikaciji djelatnosti izdato od strane Federalnog zavoda za statistiku-Kantonalni ured Tuzla,
- Uvjerenje o poreznoj registraciji (ID broj),
- Ugovor ili potvrda o otvorenom računu kod poslovne banke ,
- Uvjerenje da nije korisnik sredstava po Programu sufinansiranja samozapošljavanja od strane Federalnog zavoda za zapošljavanje Sarajevo i JU Služba za zapošljavanje Tuzlanskog kantona i
- Uvjerenje Ministarstva za boračka pitanja Tuzlanskog kantona da nije ostvario finansijska sredstva u svrhu samozapošljavanja branilaca i članova njihovih porodica, RVI, šehidskih porodica, umrlih i nestalih branilaca.

Član 9.

Sufinansiranje dijela troškova registracije odnosi se na troškove prikupljanja neophodne dokumentacije , za registraciju djelatnosti , takse za izdavanje rješenja, izrada pečata, troškove izdavanja potrebnih uvjerenja propisanih Zakonom, notarske obrade dokumenata, izrada pečata, sudske i administrativne takse i sl.

Član 10.

Zahtjevi za sufinansiranje dijela troškova registracije djelatnosti na području općine Čelić podnose se na pisarnici općine Čelić, Službi za računovodstvene , poslove trezora, privredu i razvoj općine Čelić, najkasnije do 31.12. tekuće godine.

Nakon provjera i obrade dostavljene dokumentacije , Služba za računovodstvene , poslove trezora, privredu i razvoj, utvrđuje činjenično stanje, te za podnosioca koji ispunjava propisane uslove obračunava visinu navčanog podsticaja i prijedlog za isplatu dostavlja općinskom Načelniku koji donosi odluku o isplati sredstava.

Novčana sredstva se uplaćuju podnosiocu zahtjeva (aplikantu) na račun registrovane djelatnosti.

Član 11.

Za aplikante koji uz zahtjev za sufinansiranje dijela troškova registruju djelatnost ne dostave neophodnu dokumentaciju traženu ovim Pravilnikom , Služba za računovodstvene , poslove trezora, privredu i razvoj općine Čelić, provodi postupak dopune zahtjeva prema podnosiocu u skladu sa Zakonom o upravnom postupku („Sl. Novine F BiH“, 2/98, 48/99 i 61/22).

Ukoliko podnosilac zahtjeva i nakon provedenog postupka dopune zahtjeva ne dostavi neophodnu dokumentaciju, Službi za računovodstvene , poslove trezora, privredu i razvoj općine Čelić u skladu sa Zakonom o upravnom postupku („Sl. Novine F BiH“, 2/98, 48/99 i 61/22) donosi Zaključak kojim se odbacuje zahtjev podnosioca.

Na zaključak je dopuštena žalba koja se izjavljuje općinskom Načelniku. Rok podnošenja žalbe je 8 dana od dana prijema zaključka .

Član 12.

Na pitanja koja nisu uređena ovim Pravilnikom , primjenjivat će se odgovarajuće odredbe Zakona o upravnom postupku.

Član 13.

Pravilnik stupa na snagu danom donošenja i isti će se objaviti u službenom Glasniku općine Čelić.

Dostavljeno:

1. Str. Služba opć. Vijeća
2. Služba za rač.poslove trezora priv.i razvoj
3. Web stranica općine
4. Evidencija i
5. a/a



OPĆINSKI NAČELNIK

[Handwritten signature]
Admir Hrustanović